

PAPURAU BUSNES

DYDD MAWRTH, 6th MARCH 2001

RHAN 1 - ADRAN A

AGENDA

Bydd y cyfarfod yn cychwyn am 2pm

Cynnig i ethol ymddiriedolwyr i Gynllun Pensiwn Aelodau'r Cynulliad yn unol â Rheol Sefydlog 3.4

Cynnig bod y Cynulliad, gan weithredu o dan reol B2 Rheolau Cynllun Pensiwn Aelodau Cynulliad Cenedlaethol Cymru (sydd ar gael ar y fewnrwyd yn :- (<http://assembly/aegis/AssemblyGuidance/Fees%20Office%20New/>

[Guidance%20&%20Forms/Pensions/Scheme%20Rules/Final%20version%20Pension%20Scheme%20Rules%2025%20May.doc](http://assembly/aegis/Guidance%20&%20Forms/Pensions/Scheme%20Rules/Final%20version%20Pension%20Scheme%20Rules%2025%20May.doc)) a luniwyd o dan Gyfarwyddyd Cynulliad Cenedlaethol Cymru (Aelodau'r Cynulliad) (Cynllun Pensiwn) 1999 yn ethol John Marek a Peter Law yn Ymddiriedolwyr y Cynllun Pensiwn yn lle Jane Davidson a Carwyn Jones sydd

wedi ymddiswyddo o fod yn ymddiriedolwyr.

Cwestiynau i Brif Weinidog Cymru (30 munud)

Mae rhestr o'r Cwestiynau Llafar ar y Fewnryd (a Gwe'r Siambr)

Datganiad Busnes: Y Trefnydd

Dadl a enwebwyd gan Christine Gwyther yn unol â Rheol Sefydlog 29

Mae'r Cynulliad yn cytuno i gyfarwyddo Gweinidog yr Amgylchedd i gyflwyno is-ddeddfwriaeth, a fydd yn diwygio Gorchymyn Mathau Dosbarthiadau Defnydd 1987 i eithrio storio deunydd ymbelydrol o Ddosbarth B8 (Storio a Dosbarthu).

Amcan hyn yw sicrhau na fydd cynigion yn y dyfodol ar gyfer cyfleusterau storio a dosbarthu yn caniatáu storio deunydd ymbelydrol oni wneir cais am ganiatâd cynllunio yn benodol at ddiben o'r fath a bod y cais hwnnw yn llwyddiannus.

Osodwyd Dadansoddiad Cost a Budd yn y Swyddfa Gyflwyno ar 27.02.01

Dadl ar Adroddiad y Pwyllgor Addysg Cyn 16 Oed ar Ddarpariaeth Blynyddoedd Cynnar i Blant 3 Mlwydd Oed.

Cynnig bod y Cynulliad Cenedlaethol, yn unol â Rheol Sefydlog 9.9, yn nodi'r adroddiad gan y Pwyllgor Addysg a Dysgu Gydol Oes o dan y teitl 'Gosod y Sylfaen: Darpariaeth y Blynyddoedd Cynnar i Blant Teirblwydd' a ddosbarthwyd yn electronig at Aelodau'r Cynulliad ac a gyflwynwyd yn y Swyddfa Gyflwyno ar 27 Chwefror 2001.

Dadl ar y Strategaeth Adnoddau Dynol ar gyfer yr NHS.

Cynnig bod y Cynulliad Cenedlaethol:

- Yn croesawu'r cynnydd sydd wedi'i wneud wrth gyflawni amcanion 2000-01 a amlinellwyd yn y Strategaeth Adnoddau Dynol ar gyfer NHS Cymru, sef "Darparu ar gyfer Cleifion" a gyflwynwyd yn y Swyddfa Gyflwyno ar 6 Mehefin 2000, ac
- Yn cefnogi'r amcanion ar gyfer 2001-02 a'r blynyddoedd dilynol yn sgîl y bennod Gweithlu o "Gwella Iechyd yng Nghymru: Cynllun i'r GIG ynghyd â'i Bartneriaid", a gyflwynwyd yn y Swyddfa Gyflwyno ar 5 Chwefror 2001.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau fel a ganlyn at ddibenion trafodaeth – ond bydd y pleidleisiau'n cael eu cymryd yn unigol.

(1+4+5)

(2+3+6)

Gwelliant 1 - Jocelyn Davies (Dwyrain De Cymru)

Yn y pwynt bwled cyntaf, dileu 'Yn croesawu'r' ac ychwanegu 'Yn nodi'r'.

Gwelliant 2 - William Graham (Dwyrain De Cymru)

Yn y pwynt bwled cyntaf, dileu "*Yn croesawu'r cynnydd sydd wedi'i wneud wrth gyflawni*", ac ychwanegu "*Yn nodi*"

Gwelliant 3 - William Graham (Dwyrain De Cymru)

Dileu'r ail bwynt bwled, ac ychwanegu:

Yn cydnabod bod yr Alban a Lloegr wedi pennu targedau ar gyfer recriwtio staff rheng flaen yr NHS, yn hytrach na thargedau ar gyfer hyfforddeion yn unig, sef yr hyn sydd yn *Gwella Iechyd yng Nghymru*;

Gwelliant 4 - Jocelyn Davies (Dwyrain De Cymru)

Yn yr ail bwynt bwled, dileu 'Yn cefnogi'r amcanion ar gyfer 2001-02 a'r blynyddoedd dilynol yn sgîl y' ac ychwanegu 'Yn nodi'r'.

Gwelliant 5 - Jocelyn Davies (Dwyrain De Cymru)

Ychwanegu ar ddiwedd y cynnig:

'ac mae hybu nodau'r "Strategaeth Adnoddau Dynol" a "Gwella Iechyd yng Nghymru" yn golygu y bydd angen pennu cyfres o dargedau cenedlaethol, i leihau'r prinder staff, gwella cyfraddau cadw staff a chynorthwyo gyda recriwtio nyrsys, meddygon a gweithwyr mewn proffesiynau sy'n gysylltiedig â meddygaeth.'

Gwelliant 6 - William Graham (Dwyrain De Cymru)

Ychwanegu ar ddiwedd y cynnig

- Yn pennu'r targedau canlynol ar gyfer nifer y staff sy'n cyfateb i staff amser llawn yn NHS Cymru erbyn 2004: o leiaf

375 o ymgynghorwyr ysbytai ychwanegol;

100 o Ymarferwyr Cyffredinol ychwanegol;

1,000 o nyrsys ychwanegol, a;

325 o therapyddion a gweithwyr proffesiynol iechyd ychwanegol.

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad

am 9.05am ddydd Iau, 8th Mawrth 2001

P Silk

Clerc y Cynulliad